

欽定剿平三省邪匪方略

欽定剿平三省邪匪方略續編卷七

癸亥年

閏二月十七日

壬午

吳熊光奏言查楚境賊匪有

陳姓一股在南漳三道河槐樹垭宋家河一帶

被兵勇疊加截擊後折向西南金斗坪等處

臣

因飭總兵慶溥就近探明迎截並飭副將呢瑪

善緊躡追剿嗣據呢瑪善報稱該協乘勝帶兵

跟追至樊家山趕上賊隊分兵進擊斃賊二十

餘名生擒四名該匪直向房縣西南後山坪一帶晝夜疾竄時值慶博帶兵由長扒坡截擊正遇該匪在後山坪屯歇該處山路陡仄當派遊擊馬濟勝姜元祥薛忠全都司陳天壽等各帶兵勇分左右兩路上攻匪衆帶傷者甚多斃賊七名生擒活賊熊天秀一名該匪被剿情急分爲兩起一起百餘人向文盤山一路竄走一起

約百數十人向鴛鴦巖一路竄走適呢瑪善亦帶兵趕到該鎮協當卽會商分兵兩路向宋樂河灣腰樹等處兜剿至巴東一路前經副將孫應奉等逼剿回川賊股尙近楚邊茲據孫應奉等稟稱連日帶兵在童家坪一路探剿探知該匪折回川境川省防兵於豹子山一路兜擊未能得手又有自夔州竄來百餘人與之會合該

匪復折回三會舖三溪河等處紛繞東竄窺伺
楚境孫應奉等已帶兵迎前截剿等情并據巴
東文員稟稱叅贊德榜泰師次巫山臣一面派
員將糧餉等項早爲籌備以待川兵入境供支
仍嚴飭副將孫應奉等確探賊蹤冀與川兵夾
擊集事奏入

上命軍機大臣傳諭吳熊光曰楚省陳姓一股零匪

在樊家山後山坪一帶奔竄經總兵慶溥副將呢瑪善等帶領兵勇分投截擊該匪被剿情急分爲兩起向戈盤山鶯寶巖等處逃竄是官兵斬獲僅止三十餘人而所剩之賊合計仍有二百餘人吳熊光應嚴飭慶溥呢瑪善等確探賊蹤分兵剿辦賊匪每股不過百餘人該鎮協所帶之兵自必不止數倍務應趕緊殲除勿留餘孽並不得以逼出

楚境卽爲了事至摺內稱巴東一路逼剿回川賊
股川省防兵截剿未能得手復與夔州竄來百人
會合東竄有竄伺楚境之勢此股賊匪諒卽係劉
渣鬍子一股前經孫應奉等逼剿回川昨又據德
楞泰奏稱督兵繞進楚省北面將折楚賊匪逼向
西竄該匪等詭詐異常聞有叅贊重兵沿途兜剿
安知不思乘間仍復竄楚吳熊光務須飭令孫應

奉等帶兵迎前截剿並令防堵各員於邊隘處所嚴密守禦斷不可再任殘匪逸入楚境此爲至要

十八日

癸未

勒保奏言據田朝貴報稱前在寒溪

河仰天窩天臺山等處將賊匪疊加斬獲之後餘匪被兵剿散四路竄匿田朝貴與各將備等分投搜捕探得三溪子一帶老林之中藏有餘匪數十名當卽派兵往剿殺賊四名生擒三十

一名並無一名漏網查訊獲賊內有白號偽元帥張順一名係與高均德同時起事連年抗拒官兵當將該犯凌遲處死其餘分別辦理復探得楠木盛大黃溪等處有零匪竄走又派兵分路往剿先後擒獲賊四十五名查訊此起賊匪亦係樊蒲二逆股內剿散之賊亦訊明分別辦理

理臣

查該境餘匪原據報有二百人茲據田

朝貴連日殲擒八十餘人計尙有零匪藏匿現
飭田朝貴仍舊策勵官兵搜捕淨盡至前此由
太平山內轟出之賊叅將陳弼跟追出山至瓦
屋廠殺賊三名羅思舉周士貴等在趙家嘴搜
獲偽千總袁恭克等三十八名查係宋逆股內
剿散之賊已將獲賊解送來營又叅將桂涵連
日在開萬一帶往來搜捕探有零匪二三十人

在萬縣四十八溝竄出桂涵帶兵迎捕殺斃五
名生擒二十二名查係藍號剿散零匪解交萬
縣審辦初六日又探有零匪三十餘人自老山
轟出向萬縣孫家槽奔竄桂涵帶兵往捕斃賊
七名生擒二十七名查有青號賊目王青在內
係徐添德餘匪臣現專差提營審辦又據辦理
團練委員楊沛雲稟報有零匪數十人由老林

竄至開縣流水溝當有副將馬元蹕蹤追至楊
沛雲因派團勇引路抄出乾溪溝將賊圍住四
面夾擊殺賊一二十名生擒十六名並將賊首
曾芝秀殲斃又據雲陽縣知縣梁敦懷稟稱有
線字號袁總兵帶領殘匪十一人竄入縣境火
陽河經該縣太平寨武生杜麟率領團勇截擊
將首夥賊匪十一名全數殲淨各等情

臣

查前

此核算太平大寧東鄉開縣等處山內山外零
匪約計不過五百餘人連日殲除二百餘人賊
數卽應大減但昨在寧羌州竄來之賊又有二
百餘人現據探報已入南江地界額勒登保燕
齡等派叅將李應元跟剿前來臣已飛飭總兵
達自祥副將羅聲臯與李應元會商剿辦是川
境零匪隨剿隨增此時仍有五六百人然賊匪

在陝在川總須辦理淨盡

臣

惟有督催各鎮將

剋日掃蕩不敢稍有稽延又據署大竹縣知縣

袁士繡訪得縣民徐啟武等有通賊情事查拿

到案該犯等因無指証狡不承認適據叅將桂

涵搜獲零匪楊昌裔等五名解送到營訊據供

稱與大竹縣民徐啟武勾通模樁等情徐啟武

等見有指証知難狡賴遂將寔情一一供吐審

明後當將楊昌裔等五犯及徐啟武等六犯一併正法仍梟示該境地方以昭炯戒奏入

上命軍機大臣傳諭德楞泰勒保曰賊首曾芝秀上年經德楞泰吳熊光奏稱落水淹斃旋又聞其上岸脫逃未有寔據此次馬元等所殲之賊是否卽係上年落水脫逃之曾芝秀此時既經官兵殲斃將該逆首級解送叅贊軍營德楞泰自應詳加查

驗據寔具奏馬元楊沛雲二員侯德榜泰查明覆
奏到日如果此次殲斃寔係曾芝秀正身當再將
該二員酌量加恩目下川省境內賊匪其由陝省
逸入川境者自係南山竄賊至湖北境內上年早
報肅清所有二塘亞一起已查明係川東散匪假
扮鄉勇竄入楚境卽云竟係由川入楚之賊川省
邊界亦應嚴密防範何得任其闖入總之無論楚

匪川匪一入川境卽當就地殲除不應存此疆彼界之見

上又命軍機大臣傳諭兩淮鹽政佶山曰現在川省籌辦善後事宜需用較多著傳諭佶山於兩淮商捐項下撥銀七十萬兩解往川省交勒保收貯備用

同日

上諭內閣曰前因川陝楚三省大功戡定曾降諭旨
令該督撫將所屬被賊近賊各州縣聽衛自嘉慶
元年至七年爲止遞年積壓未完民欠各款查明
具奏候朕加恩茲據勒保將川省連年辦理軍需
各州縣民欠各款開單進呈所有曾經被賊滋擾
各地方應徵遞年積壓未完民欠地丁正耗銀兩
著加恩全行豁免其近賊各地方及辦過兵差各

州縣應徵遞年積壓未完民欠地丁正耗銀兩著
加恩蠲免十分之五該督仍應飭屬詳細清查分
別題核勿得稍有遺漏

二十一日

丙戌

德楞泰奏言

臣

由巫山一路進兵

向龍洞河崖屋坪自東向西旁抄賊匪並派藍
翎千總周應龍冉玉龍等帶領兵勇假扮教匪
由相思嶺躡蹤西行使與賊匪合夥作爲內應

該千總等於初六日翻過烏雲頂老林至忠感寺地方詢之忠感寺寨上百姓知賊匪已將附近之老鴉寨攻破現在寨內并寨外房屋內屯紮就來破寨周應龍等當卽進寨代爲保守並查明忠感寺寨在賊之南十五里烏雲頂老林內有小路一條直通賊之東面後山頂燈盞窩等處

臣

當令各營將鍋帳什物輕減卽改道由

烏雲頂前進山高二十餘里徑窄箐密橫木滿
道至山頂時風雪交作頃刻凍死夫役二十餘
名跌斃馬騾數十匹酉刻趕抵賊後之葱坪距
賊屯三十餘里中間尙有老林數里所喜雨霧
瀰漫該逆毫無知覺四更時派總兵馬瑜副將
張應貴叅將虎正林遊擊楊森賀廷印涂陞曾
壽等帶兵勇由老林小路直至老鴉寨後山頂

燈盞窩自上下壓派副都統富僧德副都統銜
色爾滾富登阿等帶馬隊由南面溝底抄出賊

前兜截

臣

督率總兵蒲尙佐副將銜沈洪泰將

郭文魁遊擊張總緒劉廷斌慶昌等帶兵勇由
高坪大坪旁抄緣該處北面盡屬懸崖其西則
入川之當陽河連日雷雨溪水泛漲勢難踰過
初十日黎明馬瑜等由燈盞窩山頂銜下吶喊

攻撲賊衆於睡夢中驚慌潰亂趁勢搶進剿殺
生擒熊富等二十一名殲斃三十餘名其餘棄
寨而逃臣督率蒲尙佐等自高坪進發兵勇將
屯住寨外房內之賊圍剿賊衆拚死突出我兵
鎗箭並發殺賊二十餘名生擒十六名追至下
高坪時老鴉寨內賊匪被剿亦由高坪西奔當
陽河兩路官兵趕追沿途又殺賊二十餘名生

擒三十七名賊至河壩又值富僧德色爾拔富
登阿等帶馬隊由溝底衝出截殺生擒四十二
名殲斃四十五名三路官兵旁抄尾擊鎗箭如
雨河內水勢洶湧無路可逃賊衆被剿情急皆
拚命撲河爲鎗箭所傷並被水淹斃漂沒者不
下二百人過河之賊約剩不過二百多人臣遂
令馬隊擇至下流水勢稍緩處所淌渡復令步

隊兵勇拽馬尾蟬聯而過者數百人直追至安
石礮地方又斃賊二十餘名生擒七名因雨勢
愈大兵馬已趕行兩日一夜當卽查訊劉渣鬍
子下落據獲賊供稱該逆帶了一百五六十人
翻螞蝗山向巫山八石坪而去臣卽酌派叅將
馬文斌等挑出驕健兵勇五百名緊跟追剿隨
又派富僧德蒲尙佐等帶馬步兵勇接續前進

此內有五十人奔樊石溪大梁向西北大寧
之黃草坪遁逃派遊擊涂陞等帶兵勇四百名
卽往追捕此次共計擒獲活賊一百二十三名
搶獲馬騾七十九匹頭刀矛旗幟甚多獲犯內
訊出僞先鋒熊富一名係熊翠胞兄又臣親見
一兵扭抱一賊滾跌下崖當令查詢旋據額外
委孫廷彪繳來花翎紅頂冬帽一頂首級一

三
穎訊之各獲犯僉稱係黃號僞先鋒陳大貴又
訊熊富供該犯先在徐添德營內充當戰手後
又與樊人傑合營做過總兵這幾年屢次被官
兵打散只剩了六七十個人走到巫山三匯舖
地方遇見青號先鋒劉渣鬍子並黃號的先鋒
陳大貴就合營同回湖北要往房縣竹山一帶
採得川兵由陰條嶺大小九湖老山裏抄出又

轉走烏雲頂把老鴉寨破了原想再破幾寨不想官兵趁大雨大霧裏殺來劉渣鬍子先就跑了我被拿獲這首級就是黃號先鋒陳大貴的等語除熊富等三名衛割外獲犯內訊出王春等四十二名均係戰手老賊一槩正法其餘難民卽照例省釋查此三起零匪合夥共有六七百人茲已剿除大半所剩餘孽不過二百多人

勢已狼狽現聞該匪於十一日在通城合夥北竄兩路官兵亦已併合緊躡賊蹤臣現又飛飭

豐紳卽當確探迎截又查楚境如巴東興山房縣竹山竹谿等屬老山內外現在寔已肅清卽總兵吉林泰東追賊匪二三百名兵力亦厚又有慶成併力協剿諒亦易於殲除現據大寧縣稟報總兵田朝貴等迎剿過江之賊在太平大

寧山內與各號零匪合夥共有二三百人初八日已至奉節之鹹水壩一帶有出山東竄之勢

臣

兵旣在東自當取道大寧一路探蹤迎剿仍可兼顧富僧德蒲尙佐等所追之賊再查巫山與大寧界連二百餘里賊匪蹤跡飄忽朝東暮西分防無濟於事不若隨征剿捕似爲有用現擬撤出張績所帶防堵之四川兵勇七百餘名

撥交豐紳管帶入山搜剿其所帶雲貴兵七百餘名臣調赴來營隨同協剿

同日惠齡奏言臣據報商州境內突起匪徒二

百餘人焚搶滋擾卽由寧陝老關口起營東進行抵鎮安詢據該署縣葉騰蛟面稟此股賊匪均係商州各屬本境匪徒勾結搶掠該縣已於境內緝獲逸犯段虎等四名臣當卽提犯嚴鞫

訊悉該犯等均係湖北安徽客民先後移居鎮安縣境本年正月有同縣民人劉宗祿說起貧難約會前往商州竹林關起手搶掠定於二月十五日在竹林關會齊該犯等先後前往該處已聚有一百餘人另有爲首之張東春嚴登雲二人與劉宗祿同係頭領是日該處居民見該匪等人數漸多形跡可疑當卽鳴鑼糾衆欲行

擒拿張東春等卽一齊動手放火搶掠經該處
寨勇剿散該犯等卽乘夜逃回被該縣訪聞拿
獲等情當卽飭令該縣將該犯等解赴商州聽
候審訊臣卽趕往查辦茲於十二日馳抵山陽
詢據該縣知縣興常面稟該匪等自竹林闕焚
搶後奔往稻田河一帶經署商州知州宋昌珩
齊集寨勇擒獲頗多並將首犯嚴登雲殲斃該

匪等卽折回山陽境內逃竄又經該縣興常典

史馮日照傳集寨勇分投剿捕殲斃數人生擒

十一名內有首犯張東春其劉宗祿一犯隻身

潛逃匪徒亦俱零星四散現在地方寧謐

臣

當

卽嚴飭各州縣傳諭各卡隘加意盤緝諒該犯

等不能遠颺

臣

察看民情已就安堵可以無慮

而連日未接楊芳來信未知山內搜捕零匪曾

否淨盡

臣

現仍帶兵由子午峪一帶馳赴南山

督同該鎮悉力排搜以期肅清山境均奏入

上命軍機大臣傳諭德楞泰曰劉渣鬍子一起竄匪
在老鴉寨屯紮德楞泰卽令官兵將鍋帳什物輕
減改道前進於深林密箐中行走雨雪交作各路
官兵俱冒雨涉潦而行始能攻撲賊巢殲擒數十
名該匪等棄寨奔逃復經官兵分投追剿殲擒二

百餘人賊衆拚命撲河漂沒淹斃又不下二百人
所辦甚屬可嘉德楞泰著交部議敘仍賞給白玉
吉祥如意牌一件綠玉帶頭一件白玉喜字搬指
一個黃辨大荷包一對小荷包四個外委孫廷彪
生擒僞先鋒陳大貴被該犯拔刀戳傷該外委用
手揪扭將該犯殺斃殊爲奮勇著加恩賞戴藍翎
茲發去珊瑚翎管十個磁搬指十個牙籤套五個

著分賞此次出力員弁又一兩重銀牌一百面五錢重銀牌一百面分賞此次出力兵勇以示鼓勵現在劉渣鬍子一起餘匪百餘人分向巫山大寧遁逃德楞泰已派將弁並親自帶兵分路跟追自可卽日掃淨再楚省尙有陳姓竄匪一起據稱吉林泰現在跟追兵力亦厚又有慶成併力協剿等語但慶成現在腿被壓傷吉林泰帶兵不能得力

恐皆不足深恃德楞泰當派一二得力大員前往
幫同搜捕德楞泰俟劉渣鬍子一股辦竣後再幫
同額勒登保勒保將陝省寧川及川境山內各零
匪一律剿除淨盡方爲不負委任又據奏撤出雲
貴兵七百餘名現因川省零匪未淨暫留搜捕等
語自應如此辦理

上又命軍機大臣傳諭惠齡曰商州滋事匪徒業經

撲滅惟劉宗祿一名隻身潛逃未獲該犯首先起
意糾衆滋事情罪重大斷不可任其漏網至此案
起事緣由看來尙無地方官擾累激變等情所有
前此硃筆圈出之署知州宋昌琚知縣興常典史
馮日照義首李維翰並此外尙有出力員弁義勇
等著惠齡等卽查明開單保奏候朕加恩其現獲
各犯就近解交祖之望審明具奏一切撫綏破擾

居民事宜一併交與祖之望妥協查辦此時南山
內搜捕零匪最爲緊要惠齡卽星馳前往督率楊
芳等寔力排搜務令掃除淨盡總須於旬日內肅
清不可再有稽遲

二十三日戊子額勒登保奏言臣督率副將王兆

夢唐文淑帶領官兵由茅壩關大巴塘向東進
發沿途接據賽冲阿報稱二十五日探有賊匪

百餘人竄至卡外之八寶寨老林藏匿隨派全
官兵分路出卡迎擊經場遇春派來叅將祝廷
彪帶兵在八寶寨下要路設伏二十六日我兵
上前衝殺有賊匪一人首先持矛衝入我隊經
兵丁廖楚書用矛戳斃賊匪卽時退却分由左
右兩溝林內竄上大梁我兵分投追殺斃賊
匪八名生擒七名餘匪捨命向川境之大壩山

竄去祝廷彪帶兵追躡前進訊稱此股係苟朝
閣汪四掌櫃帶領苟朝閣在前迎敵當時被官
兵戳死汪四掌櫃跌岩身死別無頭目等供

臣

查苟朝閣汪四皆係冊檔有各後續賊目該犯
所指首級核與冊記年貌相符當同獲犯分別
斬梟初一日叅將祝廷彪守備劉滿貴搜至朱
罩河又斃賊五名生擒四名藍翎軍功岳貴爭

先擒賊身被矛傷陣亡該匪竄至橫丹河祝廷彪現帶兵勇與賽冲阿派出之備弁等分投搜捕又據探報曾芝秀王國賢餘匪二三百人經副將馬元帶兵在開縣乾溪溝殺賊十餘名生擒十六名餘匪尙有二百餘名經叅將陳弼跟剿出山竄至青花溪等處又有從新寧竄來零匪一百餘人竄至長坡道水河又自東鄉後河

竄出一股一百餘人副將蕭鳳來帶兵趕擊以
上數股均至董溪口青山子一帶與副將羅聲
臯原追新由陝境竄川之一百餘賊先後合夥
共計有六百餘人現奔通江龍鳳垭羅聲臯蕭
鳳來帶兵追斬十餘人該匪卽北折通江段桑
垭杜家坪一帶羅聲臯蕭鳳來叅將陳弼等各
帶官兵趕辦據該將等稟報前來

臣

查核情形

是太平山內之賊叠經官兵轟出合夥竄向通
江境內乘間奔突該處北近陝境西鄉南鄭西
接南江廣元均關緊要至前竄川境奉節零匪
數百人由火峯西來合夥共計有六七百人向
界嶺東奔臣接吳熊光來信云保康之賊二百
餘名又經趕剿西竄興山一帶現今德楞泰已
督齊色爾滾馬瑜帶兵入楚趕剿臣現已行抵

紫陽雙合塘若仍東向入楚該匪被德楞泰趕

剿向西北而來臣由二竹自北而南兩面夾擊

無難卽清楚境但查二竹境內現無賊匪而現

在合夥奔竄通江之賊約有六百餘人一經北

折卽近陝疆剿辦不可鬆勁臣通盤籌畫一面

札令楊遇春派得力將領帶兵千餘名前赴鎮

坪豐溪駐紮飛探楚境賊蹤預備夾擊臣仍取

道西鄉簡池壩一帶前赴通江境內督飭羅聲
臯蕭鳳來李應元陳弼等合併兵力將此股奔
竄之賊就地掃除庶楚境既可肅清而川北零
匪亦不致久延殘喘奏入

上命軍機大臣傳諭額勒登保曰此次各路官兵搜
捕餘匪殲擒共有數十名並將冊檔有名賊目苟
朝開汪四二犯殲斃所辦尙好現在太平山內之

賊均經官兵轟出合夥共有六百餘人竄向通江
境內正可聚而殲旃但賊匪詭詐異常聞經畧帶
兵到彼必又思分投散竄額勒登保當偃旗息鼓
或聲東擊西設法搜剿兵不厭詐不可不設計出
其不意使該匪等無由奔竄方可一鼓集事至陝
境餘賊旣經竄川此時陝境邊界緊要尤當飭令
鎮將等嚴爲堵緝斷不可再令折回陝境其南山

餘匪亦應就近知會惠齡飭催速辦至楚省劉渣
鬲子一起竄至川境業據德楞泰奏在老鴉寨等
處追剿共殲擒淹斃四五百人刻下祇剩百餘人
分竄現經德楞泰帶兵分投躡剿額勒登保此次
發摺時想尙未得知信息故有六七百人均向東
奔之語其保康之賊二百餘各逼近興山一帶尙
未據吳熊光奏報摺內所稱德楞泰派令色爾滾

等入楚趕剿等語亦尙未據德楞泰奏及倘該匪
西竄川境正可一併剿除

二十五日

庚寅

德楞泰奏言

臣

剿辦青號劉渣鬍

子股匪督兵西進疊據富僧德蒲尙佐馬文斌
等稟報該逆被剿只剩二百五六十人馬二十
餘匹乘夜北逃日行一百六七十里十一日卽
竄至大寧之石家溝屯紮十三日黎明被官兵

趕上尾擊殺賊十二名生擒五名遂向下古坪而逃十三日探得賊至四人頭分爲兩起一走羊頭老林一向磨刀溪官兵分頭追趕官兵趕至羊頭老林內剿殺尾賊十六名生擒九名該逆又由白菓園竄往左家山楊柳池老林我兵又追上賊尾殺賊十七名生擒六名訊據供稱賊匪因官兵急追不能擄掠連日將所剽驟馬

宰殺燒割充饑沿途逃散不少現在不過一百
六七十人騾馬全無手中多無器械說要鎖進
大寧人平老山躲避等語查賊匪現竄之楊柳
池中通竹山之順水溪左通梨子坪張公橋右
通大寧之雙橋子大小禾田小溪均係懸崖小
道馬不能行馬文斌徐陞等分帶奮勇步隊緊
躡賊蹤富僧德蒲尙佐等帶兵抄出竹山之梨

子坪扼住楚界兜剿又接豐紳來信督同遊擊
陳龍驤晉之連傳廷標等挑帶兵勇八百餘名
自徐家壩分路由後坪雙橋子神鹿坪九龍頭
探蹤迎剿等情查此起殘匪只剩百數十人全
無馬匹手無器械其勢實已窮蹙惟因老山艱
險連日陰雨未能掃除殊爲憤恨又據副將馬
元遊擊劉彪稟報連日在大寧趕追曾芝秀一

股餘匪適值辦理團練之縣丞楊沛雲帶領團
勇三百餘名前來搜捕探知賊匪在乾溝一帶
拿獲賊匪王國儒訊稱曾元帥在內兵勇聞知
無不踴躍爭先時有一持大刀賊匪率領三四
十人舞刀壓下砍折兵勇矛桿七八根陣亡兵
勇六名藍翎守備周志林見其兇悍愈加痛恨
帶領兵勇搶上兵丁吳國棟鄉勇湯貴不避鋒

鎬奮力衝入又有鄉勇李世魁陳良才王文連等
蜂擁前進周志林吳國棟湯貴首先刺倒持大
刀之賊兵丁張福帥貴鄉勇楊昌太朱文俸等
又將執紅旗之賊戮斃殺賊十餘名生擒十六
名訊據獲犯僉稱持大刀之人係元帥曾芝秀
臣

辨認首級無異守備周志林原戴藍領應懇
天恩賞戴花翎新兵吳國棟鄉勇湯貴酌賞銀二百

兩外應懇

恩均賞戴藍翎以千總把總卽用其餘幫同剿殺之
兵勇李世魁等七名亦酌賞銀二百兩以示鼓
勵又查太平山內總兵田朝貴所追湊聚零匪
三百餘人陸續雖有斬擒總未盡絕根株茲聞
該逆出山東遁又被田朝貴由分水嶺抄出尖
山壩截向西逃奔向東開山內查馬元藏斃曾

芝秀後分兵搜捕零匪已帶兵出山由南埕場

東南而來正可探迎此股賊匪截剿

臣

現又飛

飭馬元等卽協同田朝貴等相機辦理又查二

塘埕地方零匪一起

臣

前據防堵巫山之總兵

張積稟報遊擊馬明德追至土門子遇伏陣亡

弁兵內亦有傷亡者經張積帶兵往援賊隨翻

山東竄訊據獲犯係青號劉渣鬍子爲首與黃

白藍各號零匪湊合之賊等語據此供詞其非鄉勇已可概見嗣又據總兵李天林稟報亦稱係川省餘賊係劉渣鬍子爲首

臣

於川楚界上

沿途查詢均稱該逆所用衣帽旗號一如官兵

每過洞寨之時自稱鄉勇各洞寨疑信相半直

至初十日

臣

兵至巴巫交界痛剿之時獲其偽

先鋒熊富始據供稱假充官兵屬寔

臣

思鄉勇

一項遣散者不下萬人卽或寔有滋事之徒亦
惟當照賊一律剿辦若以謠言過於聲張反恐
起其疑畏吳熊光前據將領稟報哨探未確總
之此時無論賊匪未淨以及鄉勇不法皆屬
臣
等應辦之事惟當隨宜督辦不敢踈懈奏入

工命軍機大臣傳諭德楞泰曰劉渣鬍子一起竄匪
前經德楞泰督兵痛剿祇剩二百餘人此次復派

令鎮將分投緊躡兇剿現在不過一百餘人覓路
狂奔看來賊勢已極窮蹙現有富僧德等兩路官
兵奮勇兜追又有豐紳派出之遊擊陳龍驤等所
帶兵勇自西而來兩面夾擊自可即日洗淨至貧
芝秀餘匪先經馬元劉彪追至梯子溝適遇辦理
團練之縣丞楊沛雲帶有團勇扼住馬元等兵勇
趕到該犯舞刀壓下經守備周志林帶領兵勇搶

上山梁兵丁吳國棟鄉勇湯貴奮力衝入兵勇李世魁等蜂擁前進周志林吳國棟湯貴首先將該犯刺倒兵丁張福等又將執旗賊目戮斃德楞泰查驗曾芝秀首級屬寔副將馬元遊擊劉彪均著咨部議敘縣丞楊沛雲著以知縣卽用藍翎守備周志林著照所請賞換花翎外仍加恩賞給都司職銜先換頂戴遇缺補用兵丁吳國棟鄉勇湯貴

著照所請賞戴藍翎以千總把總卽用除業經賞銀二百兩外仍再加賞銀二百兩其幫同剿殺之兵勇李世魁等七名業經賞銀二百兩亦著再加賞銀二百兩分給祇領以示獎勵現在著名首逆俱已殲淨惟齊國典一名亦係著名之賊諒無難探蹤弋獲此時用朝貴所追零匪奔向東關山內人數較多德楞泰將劉渣鬍子一起趕緊辦完後

卽當親帶大兵督飭田朝貴等將東開山內餘匪
剋期搜盡又據奏查明巴東二塘垵賊匪假扮官
兵並非鄉勇此股賊匪曷充鄉勇前吳熊光亦查
明據實奏聞茲德榜奏已將此股賊匪殲擒殆盡
查問得實其所論賊匪中卽有鄉勇附入總當照
賊辦理若過於聲張反恐致其疑畏等語所見甚
是與朕前降諭旨相合鄉勇遣散之後原難保其

盡能安靜守法如有一二不安本分之徒但當就
案辦理不必追問其曾充鄉勇與否將來搜捕全
竣不妨於會奏歲功後酌留兵數千名分地駐劄
以資彈壓俟地方情形實在寧謐再全行凱撤方
爲妥善

二十八日

癸巳

德楞泰奏言劉渣鬍子北竄大寧

楊柳池之後

臣

於十一日又接富僧德等稟報

官兵追賊至彼馬不能進叅將馬文斌等分帶
步隊兵勇緊躡賊蹤富僧德蒲尙佐等帶領馬
步兵勇抄出竹山之梨子坪扼截該逆竄至老
木孔又與另起零匪六七十人合夥富僧德等
趕上賊尾殺賊十一名生擒五名該逆等分爲
三起一起百餘人翻山向張公橋梨子坪北遁
一起五六十人折回巫山西走大昌之龍湊子

一起八九十人西走大寧之香沖向加當灣老
山而遁查梨子坪北竄賊匪卽係劉渣鬍子當
令叅將馬文斌藍翎千總周應龍冉玉龍仍帶
前次挑出假扮教匪之兵勇二百名跟蹤尾追
其西走香沖之賊被豐紳督兵在冷風礮厚朴
山剿殺殲賊五名生擒三名又派遊擊傅廷標
帶兵六百名追剿其折向龍湊子五六十人副

都統銜富登阿副將馬應國叅將虎正林等帶
兵勇五百名前往剿捕所有翻山北竄之賊叅
將馬文斌等緊躡前進十五日夜探得該逆屯
於竹山之漆樹梁老林等處馬文斌等帶兵先
往富僧德等帶同副將銜沈洪遊擊余陞協領
穆騰額等率領馬步兵勇漏夜進發山徑崎嶇
黎明始抵該處遙見山梁有一人望哨藍翎軍

功胡超隻身由老林無路處先行繞上立將該
匪擒獲詢問賊情據稱元帥同三四十人歇在
埡口頭一所房子裏還有四五十人在後屋裏
等語當將該犯殺斃胡超一面招兵勇上山一
齊撲入賊巢所有屋外之賊聞聲逃逸富僧德
等率同兵勇疾追其房內之賊一聞官兵撲捕
奔上山坡馬文斌帶領藍翎千總周應龍冉玉

龍率前隊兵勇二百名追趕殺賊八名生擒六
名胡超見有一賊身穿青緞羊皮馬褂細袍在
後行走另有一賊回頭喊叫劉元帥快走上山
胡超知是首逆疾追六七里刺傷其腿該逆猶
復力鬪鄉勇胡貴羅正剛趕上幫同刺倒割其
首級復又將叫喊之賊魏習惠生擒其富僧德
等追賊至屏風寨老林沿途殺賊十二名生擒

十名賊衆奔上山梁恃險抗拒推下亂石如雨
兵勇冒石仰攻兵丁張普鄉勇何大朝將一營
陣之賊首先用矛戳斃又殺賊四名生擒九名
滾巖跌斃者十餘人餘賊四散分逃只剩三十
餘人適豐紳亦派來遊擊晉之連帶兵三百名
跟追已由向家壩入川臣現又嚴飭各路官兵
竭力趕辦訊據獲犯魏習惠等供稱劉渣鬍子

係東鄉人元年同徐添德起事係劉學書胞弟
名叫劉學禮那一個督陣的是劉總兵係老藍
號管事頭目在老林口合夥等語查此起夥聚
賊匪自川入楚復又由楚痛剿回川連旬陰雨
該兵勇等不憚艱苦疊次斬擒殲斃首犯似應
量予獎賞所有戮傷首逆劉渣鬍子之藍翎鄉
勇胡超除賞銀一百兩外懇

恩以千總卽用幫同戮斃之鄉勇胡貴一名懇

恩賞戴藍翎羅正剛一名懇

恩賞給七品軍功頂戴以上二名共賞銀一百兩其

殺斃偽總兵劉姓之兵丁張普懇

恩賞戴藍翎鄉勇何大朝懇

恩賞給七品軍功頂戴每名仍各賞銀二十兩千總

周應龍冉玉龍各賞給銀牌一面其所帶兵勇

二百名每名各賞銀一兩用示鼓勵又探得總兵田朝貴在東開一帶所追之賊現又遁入大寧山內紅池壩土地垵一帶遊奕副將馬元與遊擊劉彪帶領兵勇由核桃壩進山與田朝貴併力剿辦馬元沿途搜捕在雲陽之螺絲岩殺賊三名生擒二名查刻下傳廷標所追之賊現在西竄與田朝貴所追之賊相距甚近而東面

加當灣之賊諒亦就近合夥臣飛飭田朝貴馬

元傳廷標陳龍驤等務各竭力趕緊剿辦迅卽

洗除淨盡

德楞泰又奏言臣前據總兵張續具稟劉渣勦

子夥匪五六百人由楚竄入巫山時兜剿失利

陣亡四川崇化營遊擊馬明德四川督標中營

難蔭守備李啟功二員千把等官九員陣亡兵

勇共一百六十五名帶傷兵勇二十九名

臣查

張績所帶四川雲貴兵勇一千六七百名賊匪
不過五六百人乃張績身爲總兵大員賊來不
能痛剿反致損折賊去又不能攔截遂使東竄
回楚是其不能獨當一面已可概見相應據實
查叅請

旨將肅州鎮總兵張績摘去花翎降補叅遊隨營効

力均奏入

上命軍機大臣傳諭德楞泰曰此次劉渣鬍子等與
另起零匪合夥各將領兵勇均能不憚艱苦冒雨
前進攻破賊巢擒獲首逆殊爲出力除業經賞給
銀牌銀兩外所有奮勇打仗之副都統富僧德叅
將馬文斌千總周應龍冉玉龍俱著交部議敘其
首先追趕戮傷首逆劉渣鬍子之藍翎軍功胡超

著以千總卽用幫同截斃之鄉勇胡貴著賞戴藍翎羅正剛著賞給七品軍功頂戴其殺斃偽總兵劉姓之兵丁張普著賞戴藍翎鄉勇何大朝著賞戴七品軍功頂戴用示獎勵此時劉逆餘匪祇剩三十餘人向密箐老山潛竄現有富僧德等及豐紳派往之遊擊晉之連等帶兵搜捕自不難迅就肅清其分起西走大昌之一起五六十人現有富

登阿等帶兵跟剿西走大寧之一起八九十人現
有遊擊傅廷標等帶兵追緝德楞泰自應嚴飭各
將領上緊搜除現在著名首逆雖節經殲盡止剩
齊國典一犯安知此外不又有未經著名之人卽
如吳熊光前奏劉渣鬍子一起內尙有楊大刀一
犯此次摺內並未提及是否實有此人抑係尙在
逃竄務須查明實在下落上緊擒獲以絕根株目

下零匪情形陝省南山祇剩百餘人楚省亦僅興
已分竄一股其潛匿未出之賊似已無幾惟川省
各處餘孽尙在奔竄德楞泰旣不能親赴山內到
處搜捕亦應分飭妥幹將領令其逐段排搜將劉
逆分起餘匪辦完後卽當帶領大兵督飭田朝貴
等將東開山內餘孽趕緊搜淨總於迅速之中勿
稍存草率爲要總兵張績在巫山剿賊失利似此

堵剿不力之員豈容稍存姑息若以叅遊補用尙
不足示懲張績著降爲都司拔去花翎令其隨營
効力傷亡員弁兵勇名單著德楞泰一併查明交
部賜卹

同日吳熊光奏言竊照陳姓股匪經慶溥等屢
次截殺分起南遁在興山房縣交錯山徑慶溥
當與副將呢瑪善分帶兵勇由房縣西南馬鹿

池九道梁等處跟追吉林泰由興山豐邑坪一帶攔截其分竄房境之賊向觀音寨奔逃寨勇姚文光高國鵬等乘該匪竄過寨下傳齊寨勇憑高推放播石擊傷賊匪多名復乘勢自上壓剿殺賊數名內有戴藍翎碑礮頂帽一賊尙欲率衆抗拒經寨勇高國鵬首先趕上戮斃餘匪始行敗竄其分竄興山境內之賊意圖繞出官

兵之後復行折竄東北經吉林泰帶兵扼截旋
亦竄入房境現據探報兩起分竄賊匪先後由
板倉坪陰峪河等處南趨察其情形非遁入巴
東興山老林卽逸入川境臣疊飭慶溥呢瑪善
等務窮所向跟蹤進擊陰峪河等處去興山巴
東巫山地界不遠如該匪逸入與巴慶溥呢瑪
善可與吉林泰孫應奉等合圍擊剿倘亦遁回

川境德楞泰大兵近在巫山正可分兵迎擊

臣

業飭該鎮將等不得遽分畛域期與川兵併力
掃除至德楞泰兜截西竄賊股雖痛剿之後勢
漸披靡但賊蹤飄忽無定此時成隊敗匪已經
德楞泰兜逼回川恐尙有剿散潛匿之匪猶當
分投探剿

臣

並飭各鎮將留心搜捕無使敗匪

復行類聚以冀日就肅清奏入

上命軍機大臣傳諭吳熊光曰楚省陳姓分竄股匪
經秦勇等截住僅傷斃數名復先後由板倉坪陰
峪河等處南竄有遁入興巴一帶老林或折回川
境之勢看來慶溥呢瑪善等帶領兵勇祇能到處
跟追將零星匪黨逼出境並未趕上賊蹤痛加殲戮
吳熊光應嚴飭該鎮將等務窮所向跟蹤進擊不
得以逼出本境了事卽該匪折竄回川遇有川省

官兵迎頭攔截慶溥等亦當躡蹤前進不予以暇
冀收兩面夾擊之益慶溥呢瑪善等如能將此股
餘匪在楚省邊界迅速辦竣仍係伊等之功倘僅
將該匪逼向入川輒行轉回不能緊躡窮追必當
重治其罪至摺內稱兜逼回川之賊恐有剿散潛
藏猶當分投搜捕所見甚是本日據德楞泰奏劉
渣鬍子一犯業經殲斃其餘夥黨三十餘人尙在

漆樹梁密箐老林內潛竄難保其不復思乘間入
楚吳熊光務須飭令各鎮將留心搜緝遇有零星
竄匪卽行剿盡並飭邊防各員嚴密堵剿勿任餘
匪再行闖入爲要